



ATASSUT

UKA 2015/46

Steen Lyngø

04.11.2015.

**Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaanni nr. 9, 3. december 2012-imeersumi nalikillilersuinernut maleruagassat kingullermik allanngortinnerisigut aningaasaqarnikkut kingunerisassai pillugit kingusinnerpaamik UKA2016-imut atatillugu saqqummiunneqartussamik nalunaarusiornissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiornikkut takutinneqassaaq allannguuteqarneq ingerlatsiveqarfinnut mikinerusunut akunnattumillu angissusilinnut aningaasaqarnikkut kinguneqarsimanersoq. Taamatuttaaq nalunaarusiami ingerlatseqatigiiffiit atortussanik nutaanik aningaasaliiffigisaminnillu nalikillilersuisinnaanerit siunertaralugu aningaasatigut kingunerisat nalilersuinernik imaqartinneqassaaq.**

**(Inatsisartunut ilaasortaq Agathe Fontain, Inuit Ataqtigiit)**

Inuiaqatigiinni annertuumik aallartisaasarnikkut piumassutsimik peqartoqarsinnaavoq, taamaakkaluartorli tamaanna isumaqanngilaq inuussutissarsiornikkut pitsaasumik ingerlatsinissamik periarfissanik pilersitsisoqarneranik.

Sinaakkutassatut atugassarititaasut piumassutsimik aqutissieqataassapput, tamannalu taamaallaat pisinnavoq aallartisaasuusumut ingerlatsineq imminut akilersinnaapat inuttut aningaasalinikkullu. Allatut oqaatigalugu imminut akilersinnaasariaqarpoq inuussutissarsiummik ingerlatsinnaaneq

Inuussutissarsiuutitigut ingerlalluarsinnaaneq tunngavissiivoq inuiaqatigiinni aningaasaqarnikkut pitsaasumik inissisimanissamut, taamaattumik pingaartuuvoq pitsaasumik sinaakkutassatigut atugassaqartitsinissaq.

ATASSUT-mi isumaqarpugut nunanut allanut sanilliussinikkut pitsaasumik siunnerfeqarsinnaasugut, tassuunakkut namminersortutut inuussutissarsiuteqarneq taannaamat aallunneqartussaasusaaq. Nunani allani pitsaanagerusumik atugassarititaqarput inuussutissarsiuuteqarnermi sinaakkutassarititatigut. Ullumikkut pisortat suliffisatigut pigisaat inuussutissarsiornermi 80 %-iuvoq, sinneruttorlu tassaavoq namminersortutut inuussutissarsiutillit suliffisatigut pigisaat. Tamatumunnga nunatsinni qanoq sumiiffeqarnerput immikkoorutaalluarpoq, taamaasillunilu allaqqukkuminaassinnaalluni taamak angitigisumik pisortat suliffeqarnikkut ingerlatsimmata, taamaakkaluartoq imatut isumaqanngilaq suliariumannittussarsiuussisarneq ullumikkumiit annertunerunissaa.

ATASSUT isumaqarpoq sinaakkutaritinneqartut pitsaanagerulersinneqartariaqartut suliariumannittussarsiuussisarnermi, taamatullu sinaakkutassarititaasut pitsaanagerulernissaat namminersortutut inuussutissarsiuteqarnissami. Sakkussat ilagivaat ileqqaaruteqarnissanut oqilisaateqarnissaq, tassaniipporlu nalikilliliisarnermi malittarisassat pitsaasut. ATASSUT nalikilliliisarnissami allannguuteqarnissamut ukioq 2012-imi akkerliuvoq, taamaattumillu pissusissamisoorpoq Atassut-miit nuannaarutigalugu IA pineqartumik siunnerfeqarniarmat pitsaanagerusumik sammiviliinissamut, taamatullu nalilersueqqinnissamut 2012-imi aaliangiussap nalilersorluoqqinnissaanut.



Taamaattumik ATASSUT siunnersuummut tapersiissaaq, tassuunakkut Naalakkersuisut piumaffiqeqassallutik nassuiaammik suliaqarnissamut, ilaatigut allannguutip 2012-meersup ilutigisaanik sunniutaa nassuiaammi ilaatinneqassallutik.